

EAJk Aznarren gobernua lagunduko luke PPk «ahalegin txiki bat» egingo balu

Bigarren transizioan «autodeterminazioa» lortu nahia etzetsi du Mayorrek

Wilfred Martens Europako Partidu Popularreko lehendakariak Aznarren gobernua lagun dezan egindako eskaerari erantzunez, Xabier Arzalluzek esan zuen EAJ prest dagoela gobernu hori babesteko PPk «Gutxieneko esfortzu bat» egiten badu EAJren ikuspuntua asetzeko. Jaime Mayor Orejak PSOE eta Gonzalezen ahulezia profitatuz «harrapari» gisa jardutea egotzi zion EAJri.

Erredakzioa / Bilbo

«AZNARREK, jakin dakienak zeintzuk diren gure egitasmuak, gutxienezko satisfakzioa ematen badigu ez beza gure laguntzaren zalantzarik izan, baina ez dut Alderdi Popularra bide hau prestatzen ikusten» adierazi zuen Xabier Arzalluzek Europako Partidu Popularreko (EPP) XI. kongresuaren berri jasotzen duten kazetarien aurrean.

Kongresu honetan egin zuen interbentzioan Wilfred Maertens-ek dei egin zien EAJ eta Kataluniako CDCri Jose Maria Aznar lagun dezaten hurrengo hauteskunde orokorren ostean.

Bestalde, Europako alderdi demokratikaren batzarrean egindako hitzaldian Xabier Arzalluzek kongresu beraren bilakera kritikatu eta Kataluniako hauteskundeetan PPri emandako babes osoa gaitzetsi zuen. «Oso ondo deritxot Aznar jauna laguntzea, baina ez beza eskusiboki bera lagundu» eskatu zien burukide jeltzaleak EEPko ordezkariak. Xabier Arzalluzen ustez ziurrena da PPk hurrengo hauteskundeak irabaztea baina «ezin izango du berak bakarrik gobernatu eta or-



Robles Piquer, Martens eta Aznar, Europako Alderdi Popularraren Kongresuan.

EFE

duan besteotaz akordatzen has-teko tenorea izango da».

EAJren burukideak jakitera eman zuen Josep Antoni Duran i Lleida ez dela kongresu horretara joan PPko lehendakariari iragan igandean emandako laguntzagatik «minduta» dagoelako. Arzalluzek gaitzetsi egin zuen PPri laguntza eskaini eta EPPko bazkidea den UDCri ukatu izana. Duran i Lleidaren alderdia Pujolekin koaligatuta doa hurrengo 19ko hauteskunde autonomikoetara.

EPPk demokratikauk ez diren beste alderdi kontserbadore batzuei atak zabaltzeko erabakiaz kexatu zen Arzalluz. Bestalde gizar-teak dituen arazo estrukturaleri EPPko alderdiek konponbiderik ematen ez diotela iritzita, gauzak hobetu ezean erakunde hori «boterearen ardurak beste-

rik biltzen ez dituen politikari profesionalen» taldea bilaka daitekeela iritzi zion.

Mayorrek «harrapari» jitea egotzi dio EAJri • EAJ eta PPren arteko akusazio gurutzaren erdian, Jaime Mayor Orejak «bere harrapaketa partikularra» egin izana egotzi die jeltzaleei. Mayorren iritziz EAJk azken egunetan PPri egindako kritikek Espainiako gobernua eta berari eusten dion PSOEren «ahulezia eta agoniaz abusatu eta errentabilizatzeko intentzioa» erakusten dute. Gonzalezen gobernua luzatu nahian «hegazkin harrapariak» bezala jokatu izana egotzi die jeltzaleei.

Jaime Mayor Orejak adierazi duenez, «EAJk iraganeko eskena berregin nahi du, bigarren transizio demokratikoa deritzotena

errentabilizatu nahian».

Lehenengoan amnistia eta autonomia lortu bazuten «bigarrenean, gutxienez, birgizarteratze orokorra eta autodeterminazioa lortzea» izango litzateke helburua, PPko parlamentariaren iritziz. Hortaz, dio Jaime Mayor Orejak prentsa agiri batez, «helburu hauek lortzeko bere esfortzua ez da horrenbeste zentratzen ETA isolatzean PPren etorkizuneko gobernua isolatzean baizik, Adolfo Suarezekin transizio demokratikoan egin zuten bezala».

Jaime Mayor Orejaren iritziz PSOE zenbat eta ahulago egon EAJrentzat hainbat eta hobeto. Horregatik Jaime Mayor Orejak uste du EAJk ahaleginak egingo dituela Jordi Pujol konbentzitzeko egungo legegintzaldia luza dezan. X

CCko Rios izango da GALen batzordeko lehendakaria

■ Ez lukeela ardura hori hartuko esan du, baldin eta PSOE eta CiU aurka egonez gero

Erredakzioa / Madril

GAL ikertzeko batzordea proposatu zuten alderdiak ados jarri ziren Kanariar Koalizioako Victoriano Rios izan dadin Senatuko batzordeko lehendakaria. Atzo goizean egin zuten bileran PPko Angel Acebes, EAJko Ricardo Sanz, IUko Alvaro Martinez eta CCko Victoriano Rios-ek gaur izango diren bilkurari begirako jarrerak hurbildu zituzten.

Nolanahi ere, Kanarietako Parlamentuko lehendakari ohiak agertu zuen kargua soilik hartuko duela talde parlamentarioen kopuru zabal batek arbuia-tzen ez badu bere lehendakaritza. Hortaz, aipaturiko lau taldeak alde zuzenetik PSOE eta CiUren

jarrera zein den jakiten saiatuko dira. Rios-ek ardura honi muzin egingo balio, PPko senadore bat proposatuko lukete lehendakari izateko, eta ez EAJko Joseba Zubia jeltzalea.

PPko hautagaia aurkezteko-tan, alderdi honen babesaz gain, IU eta CCko ordezkarien botoak eskuratuko litzuke. EAJk abstentziora joko balu ere, PPko hautagaia aterako litzateke, hiru taldeen artean 16 senadore biltzen baitituzte eta PSOE eta CiUk 15.

Lau talde politiko hauek eztabaida batzordean edo txosten batzorde gisa egingo duten ere aztertut zuten. Batzorde gisa arituz gero, saioetan 32 senadorek hartuko lukete parte; txosten gisa

arituz gero, oster, talde bakoitzeko bozeramaileak ordezkaturiko litzuke taldekide guztien botoak eta saioak atak itxita egingo lirateke. Talde politiko haue-tako kide zenbaitek planteatu zuen bileretako batzuk prentsa-rik gabe izatea komenigarria litzatekeela.

PP eta IUk txarto hartu dute EAJk Felipe Gonzalez batzordea deitzeko agertu izan duen aurka-ko jarrera. PPko Angel Acebes-ek koherentziaz jokatzeko eta Gonzalezen agerpena ez oztopatze-ko eskatu zion EAJri. «GAlek jardun zuen bitartean gobernuburu izan zenaren agerpena beharrez-ko ikusiko balitz, eta hala dirudi leheni begiratuan, ona liteke batzordea sortzearen aldeko botoa

eman zuten guztiek ez galaraztea agerpen hori», gaineratu zuen PPko bozeramaileak Senatuko batzordean.

UCDko goi karguak deitzeko aukeraz, PPko senadoreak esan zuen Senatuko batzarrak agindu zehatza eman zuela GAL ikertze-ko. IUk, UCDren goi karguak deitzeko komenientzia aipatu zuelako, GAL batzordearen porrota eragin nahi izatea egotzi zion EAJri. «Batzordea porrotera eramateko modu bat txosten juridikoak eskatzea edo epea atzeraraztea da eta beste era bat Primo de Riveraren hilketa argit-zeko eskaera» adierazi zuen Alvaro Martinezek. Ildo berean mintzatu ziren Rosa Aguilar eta Javier Madrazo ere. X

Suplikatorioaren tramitearekin jarraitzea erabaki du Batzordeak

■ Alegazioak

aurkezteko epeari ere eutsi egingo dio

Diputatuaren

Estatutuko

Batzordeak

Efe / Madril

KONGRESUKO Diputatuaren Estatutuko Batzordeko kideek aho batez erabaki zuten atzo, Jose Barrionuevo ministro ohiaren aurkako suplikatorioaren tramitearekin jarraitzea. Era berean, alegazioak aurkezteko epeari bere hortan eustea erabaki zuten hilaren 13era arte, batzordekideen ustez Barrionuevok aurkeztutako idazkiak ez baitu parlamentuko tramitea zailtzen.

Barrionuevoren idazkia, amaierako erizpenari erantsiko diotela agertu zuen Alvaro Cuesta batzordeko presidentek. Barne ministro ohiak idazkian esaten du Auzitegi Gorenak Kongresuari igorritako dokumentazioa ez dela osatua. Besteak beste Jose Amedo eta Michel Dominguez polizia ohiak 1994ko abenduan eginiko deklarazioak, eta Estatuko abokatuen eta Rafael Veraren alegazioak falta direla adierazi zuen Barrionuevok idazkian.

Barrionuevok aipatutako dokumentazioa Auzitegi Gorenari ez eskatzea erabaki zuen atzo batzordeak, Luis Ramallo PPko ordezkariak azaldu zuenez. Cuesta sozialistak bere aldetik, Barrionuevok, nahi beste alegazio aurkezteko duen eskubidea defenditu zuen. Ordezkariz sozialistak azaldu zuenez, suplikatorioaren tramitea «ekintza politikoa da, eta ez aurre-epaiketa bat».

Jose Barrionuevok, GALen auzian bere aurka dauden akusazioengatik defenditzeko gogoa duela azaldu zuen, eta harrituta agertu zen, «Espainian epaiketa sumarisimoen aldeko hainbeste lagun» zeudenik ez zuela uste esanez. Barrionuevok azaldu zuenez, Entzutegian deklaratu nahi izan du, eta baita Auzitegi Gorenean suplikatoriorik eskatzeko beharrik gabe. «Onartzen dut suplikatorioa, legea betetzea besterik ez dut eskatzen tramitazterakoan, ez dut alegazioak aurkezteko epea luzatzea bilatzen».

Alegazioak epea amaitu baino lehen aurkeztuko dituela adierazi zuen ministro ohiak, eta bi motatakoak izango direla, «juridikoak eta politikoak». PPko Luis Ramallo, Barrionuevok epaiketa sumarisimoz eginiko adierazpenei erantzun zien. Ramallosen ustez, Barrionuevok «parlamentuko tramitea judicializatu nahian ari da, prozesu penalean bihurtu nahian, bere taldeak suplikatorioari ezezko botoa eman diezala». X